



Broj: 01/2-05-2999-2/17
Breza, 04.12.2017. godine

Na osnovu člana 64. stav (1) tačka (b) i člana 70. st. (1), (3) i (6) Zakona o javnim nabavkama („Službeni glasnik BiH“, broj 39/14), na Preporuku Komisije za javne nabavke (broj 02/1-2-14-3002-6/17 od 15.11.2017. godine), u postupku javne nabavke usluga „Redovno održavanje cesta i objekata u zimskim uvjetima za 2017./18.godinu,“ Općinski načelnik, d o n o s i

ODLUKU o izboru najpovoljnijeg ponuđača

Član 1.

Prihvata se Preporuka Komisije za javne nabavke (broj 02/1-2-14-3002-6/17 od 15.11.2017. godine) i Ugovor za javnu nabavku nabavke usluga „Redovno održavanje cesta i objekata u zimskim uvjetima za 2017./18.godinu,“ dodjeljuje se izabranom ponuđaču „NAHONAL-GAS“ d.o.o.Breza, ponuda (broj 171-XI/17) od 15.11.2017.godine), za ponuđenu cijenu 101.647,72 KM bez PDV-a, odnosno 118.927,83 KM sa popustom i PDV-om.

Član 2.

- (1) Prijedlog Ugovora o nabavci dostavit će se na potpis izabranom ponuđaču u roku od 10 (deset) dana, računajući od dana kada su svi ponuđači obaviješteni o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti u roku od 5 (pet) dana nakon što svi ponuđači budu obaviješteni od strane ugovornog organa o rezultatima postupka nabavke, a prema tački C) tenderske dokumentacije.
- (3) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, odluka o izboru najpovoljnijeg ponuđača će se poništiti.

Član 3.

Za izvršenje ove Odluke zadužuje se i ovlašćuje Služba za privredu.

Član 4.

Ova odluka objavit će se na web-stranici Općine Breza, www.breza.gov.ba, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01/2-05-2999/17 od 25.10.2017.godine.

Javna nabavka je provedena putem otvorenog postupka javne nabavke.

Procijenjena vrijednost javne nabavke bez PDV-a iznosi 85.500,00 KM.

Obavijest o nabavci broj: 726-1-2-53-3-1/17 poslata je na objavu dana 25.10.2017. godine te je istog dana objavljena na Portalu javnih nabavki, a dana 27.10.2017.godine u „Službenom glasniku BiH“ broj 20/17.

Na osnovu obavještenja na Portalu javnih nabavki, tendersku dokumentaciju sa portala E-nabavke je preuzelo 5 (pet) ponuđača i to:

1. MGV GRADNJA d.o.o.
2. „NAHONAL-GAS“ d.o.o.
3. „ADO-TRANS“ d.o.o.
4. BBS Europe
5. ekapija d.o.o.

Komisija za javnu nabavku imenovana je Rješenjem (broj 01/2-05-2999-1/17 od 10.11.2017.godine).

Komisija za javne nabavke dostavila je dana 15.11.2017.godine, Zapisnik o pregledu i ocjeni ponuda, broj: 02/1-2-14-3002-5/17 i Preporuku broj: 02/1-2-14-3002-6/17 u postupku javne nabavke usluga „Redovno održavanje cesta i objekata u zimskim uvjetima za 2017./18.godinu.“

U postupku po izvješću o radu je utvrđeno je da je Komisija za javne nabavke blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedan),
- da je blagovremeno zaprimljena 1 (jedna) ponuda,
- da nije bilo neblagovremeno zaprimljenih ponuda,
- da je ponude ponuđača „NAHONAL-GAS“ d.o.o.Breza, kvalifikovana ponuda.

Komisija za javnu nabavku je predložila:

da Općinski načelnik, na osnovu člana 69. stav 2. Tačka e) Zakona o javnim nabavkama, donese Odluku o poništenju postupka javne nabavke „Redovno održavanje cesta i objekata u zimskim uvjetima za 2017./18.godinu ,“ iz razloga: cijena prihvatljive ponude je znatno veća od obezbijeđenih sredstava za predmetnu nabavku .

Ukoliko Ugovorni organ obezbijedi nedostajuća sredstva i ako utvrdi da je najpovoljnija ponuda u skladu sa tržišnim uslovima i da može obezbijediti dodatna sredstva za realizaciju nabavke, u tom slučaju može izvršiti izbor najpovoljnije

ponude za javnu nabavku usluga „Redovno održavanje cesta i objekata u zimskim uvjetima za 2017./18.godinu.

Služba za privredu je dana 21.11.2017.godine se obratila Službi za finansije, inspeksijske poslove i opću upravu, zahtjevom za dostavu podataka o načinu finansiranja predmetne nabavke.

Služba za finansije, inspeksijske poslove i opću upravu je dana 28.11.2017.godine dostavila odgovor na zahtjev broj:03/1-14-3279/17 u kome ne navela da je u Nacrtu Budžeta općine Breza za 2018.godinu planirana su sredstva za javnu nabavku opravki i održavanja cesta, željeznica i mostova, konto 613 724 na području općine Breza u iznosu od 230.000,00 KM i da će ova sredstva biti ugrađena u Plan javnih nabavki općine Breza za 2018.godinu, tako da će sredstva za ovu namjenu biti obezbijeđena do iznosa naznačenog u Budžetu općine Breza za 2018.godinu i u skladu sa tržišnim uslovima.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniže cijene“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU

Protiv ove odluke može se izjaviti žalba Ugovornom organu, najkasnije u roku od 10 (deset) dana od dana prijema ove odluke, u skladu sa članom 99. Zakona o javnim nabavkama.

DOSTAVLJENO:

OPĆINSKI NAČELNIK

1x NAHONAL-GAS d.o.o.Breza
1x Služba za privredu
1x Služba za finansije, inspeksijske poslove
i opću upravu
1 x Viši samostalni referent - administrator mreže
1x Evidencija
1x a/a

mr.sci.Munib A.Zaimović